

RARE BOOK

भारत सरकार  
GOVERNMENT OF INDIA  
राष्ट्रीय पुस्तकालय, कलकत्ता ।  
NATIONAL LIBRARY, CALCUTTA.

वर्ग संख्या

Class No.

पुस्तक संख्या

Book No.

रा० पु० / N. L. 38.

H

891.4314

Du 871

MGIPC-S4-9 LNL/66-13-12-66-1,50,000.

50 1/2

॥ श्री ॥

कवि भादो दुरसार्ज कृत हिंदुपति  
श्रीमान महाराजाधिराज महाराणा  
जी श्री १०८ श्री प्रतापसिंहजी की  
विरदछिहत्तरी.

मिस्र

जोधपुर राज्यके भूतपूर्व मेघर कौन्सिल  
और बख्शी जामीर  
सिंघवी बछराजजीने

दाभील आसोरा पंडित बलदेवात्मज  
पंडित रामकर्ण-दया मकर्णके

प्रतापप्रेस जोधपुर में छपवाकर प्रसिद्ध करी

17/11/1911


**SHELF LISTED**

H  
891.4314  
Dm 871

L11



## भूमिका



हिन्दुपति श्रीमान् महाराजाधिराजमहाराणाजी  
श्री १०८ श्री प्रतापसिंहजीने हिन्दु धर्मकी रक्षाके नि-  
मित्त अकबर जैसे महाप्रतापी बादशाह से बैर बांधा (?)

( १ ) महाराणा प्रतापसिंहजीको बादशाह अकबर की आधीनता स्वी-  
कारने से बड़ी नफरत थी और वे अकबरको अपने मुखसे कभी बादशाह  
नहीं कहते थे, बादशाह के बास्ते वे सदा "तुर्क" शब्दका प्रयोग करते थे  
कहते हैं कि एक दिन बादशाहने अपने दरबार में बैठे हुए कहा कि महारा-  
णा प्रतापसिंहजीने, हमको बादशाह कहना स्वीकार कर लिया है, इसपर जी-  
कानेर वाले पृथ्वीराजजी ने, जो वहां पर उपस्थित थे, बादशाहसे अर्ज कि-  
या कि यह बात किसी ने भूढ़ ही मालूम कर दी होगी, क्योंकि महाराणा  
प्रतापसिंहजी अपने प्रणके ऐसे सच्चे हैं कि अपने जातेजी उसको नहीं छो-  
ड़ेंगे, बादशाह ने कहा कि यदि इस बात में तुमको शक हो तो महाराणा  
से लिखकर दर्शाफ्त करलो, इस पर पृथ्वीराजजी ने ये दो दोहे लिखकर म-  
हाराणा के पास भेजे—

पातळ जो पतराह, बोले मुखहता बयण ।

महं पल्लव दिशे मांहा, उके कासप राक अंत ॥ १ ॥

और वहीं २ कठिनाइयें सामना करने पड़ प्रयत्न की रक्षा की, इसी लिये उनके आदर्श हिन्दुधर्म प्रातः स्मरणीय मानते हैं, और अनेक कवियों ने उनके उज्ज्वल चरित्र की सुककगठसे प्रशंसा की है, आहा गोत्र के कारण कवि दुरसाजीने भी महाराजा प्रतापसिंहजी के विषय में यह "बिरद छिहसरी" रचा था।

दुरसाजी निरोही दुर्वार के पौलपात थे (१) और एक अच्छे कवि होने के अतिरिक्त वीर प्रकृतिक पुरुष थे, जब महाराजा प्रतापसिंहजी के छोटे भाई जगमा-

पटकुं मूला पाय, के पाय निज तन करद ।

दाजे लिख दीबाय, लो हो महली बात इक ॥ २ ॥

इस के उत्तर में महाराजा ने भी निम्न दो दोहे लिख भेजे—

तुरक कहाली मुक पाय, दण समसुं इकलिंग ।

ऊगे जाही ऊगरी, ऊकी बीच पतंग ॥ १ ॥

खुश होता पांथल कपल, पटको मूला पाय ।

पल्लटय है जेत पली, कलक सिर कैबाण ॥ २ ॥

(१) सोदा ने सांत्तेहिद, बिहद ने राठोद ।

दुरसावत ने देवरा, उकी ऊकी टीड ॥ १ ॥

( १ )

तजी उनसे नाराज होकर बादशाह अकबरके पास  
 चले गये तो बादशाह ने सिरोही के राव सुल्तानजीका  
 आधा राज उनको दे दिया, लेकिन राव सुल्तानजी से  
 बखेड़ा हो जाने पर जगमालजी सिरोही को बादशा-  
 हके पास चले गये; बादशाहने उनकी सहायताके लि-  
 ये जोधपुरके राव चन्द्रसेनजीके बेटे राव रायसिंहजी  
 आदि को फौजके साथ सिरोही पर भेजा, संवत्  
 १६४० कार्तिक सुदी ११ के दिन राव सुल्तानजी से  
 उनकी लड़ाई हुई, जिसमें बाही फौजकी हार हुई,  
 और रायसिंहजी, जगमालजी व कितनेही दूसरे आ-  
 दमी मारे गये, इस लड़ाईमें कवि दुरसाजी भी सिरोही  
 की सेना में रहकर लड़े थे. इस लड़ाईके बाद जोधपुर  
 की गद्दी पर मोटे राजा उदयसिंहजी बैठे, फिर बाद-  
 शाह अकबरने जाय बेग, मोटे राजा उदयसिंहजी और  
 महाराणा प्रतापसिंहजीके भाई सगरजीको बड़ी सेना  
 के साथ सिरोही पर भेजा, उनके साथकी लड़ाई में  
 राव सुल्तानजीके कितने ही आदमी मारे गये, कवि  
 दुरसाजी और कई दूसरे वापस हुए और रावजी का

( ४ )

पहाड़ों में शरण लेना पड़ा जब सगरजी बगैरह अपने  
घायल राजपूतोंको उठाने और शत्रु के जन्मियों को मारने  
लगे उस समय कवि दुरसाजीको घायल राजसगरजीने  
कहा, कि यह भी देवदोंका कोई सदाँर है इसको भी  
दूध पिलाना (भारना) चाहिये, इसपर दुरसाजीने कहा  
कि मैं चारण हूँ और राजपूतोंका यह धर्म नहीं है, कि  
चारणको मारे. इसपर सगरजीने कहा कि तुम चारण  
हो तो यह समरा देवदा जो इस लड़ाईमें बड़ी वीरता  
के साथ काम आया है उसकी प्रशंसामें एक दोहा कहो.  
जिसपर उन्होंने तत्काश यह दोहा कहा:—

घर राधाँ जश डूगराँ, ब्रद पोताँ जअ हाँव ॥

समरे मरण सुधारियो, चहु थोकाँ चहुवाँण ॥ १ ॥

यह सुनते ही सगरजी बड़े सन्मानके साथ उनको  
पालकीमें बिठलाकर अपने ढेरपर लेमये और वहाँपर  
उनके घावोंका इलाज करवाया गया.

विक्रमी संवत् १३४३ में मोटे राजा उदयसिंहजीने  
चारणोंके गाँवोंपर जबती भेजी जिससे कितने ही चा-  
रण तागा ( आत्मघात ) करके मरगये, उसवक्त दुरसा-

(५)

जीने भी अपने गलेमें छुरी मारी थी।

ऐसा प्रसिद्ध है कि राय सुल्तानजीके साथकी दूसरी लड़ाईके बाद दुरसाजीका दिल्ली जाना हुआ, और बादशाह अकबरने उनकी कविता से प्रसन्न होकर उनका बहुत कुछ इज्जत (१) बढ़ाई।

सन्वत् १५५३ के माघ शुद्धि ११ को महाराणा प्रतापसिंहजी का स्वर्गवास हुआ, जिसकी खबर सुन बादशाह अकबर ने बहुत फिक्र किया, और थुप होरहा, जिसपर दुरसाजी ने नीचे लिखी हुई छप्पय कही, जिसका जिक्र सुन बादशाह ने उनके मुखसे वह छप्पय सुनी और इत्तम्मा देकर कहा कि इस कविने यथार्थ कहा है।

अश लेगो अशदाग, पाग लेगो अश नामो ।

गो आखा गवड़ाय, जिको बढ़तो घुर नामो ॥

बधगोजे नह गयो, न गो आतजाँ न बल्ली ।

न गो भरोखा हेठ, जेठ दुनियाण दहल्ली ॥

(१) कहते हैं कि दुरसाजी को बादशाह ने अपने दरबार में बैठने की इज्जत भी बढ़री थी।



गहलोत राख जीतीगयो, दसख मंद रसणा हसी ।

नीसास मुक भरिया नयण, तो मृत साह प्रतापसी ॥

धामू पर्वतपर अबलेश्वर के मन्दिर में चारों की दो पीतल की मूर्तियाँ हैं, जिनके नीचेके लेखसे पाया जाता है कि वे सम्बत् १९८९ में दुरसाजीने बनाई थीं।

दुरसाजीकी बनाई हुई महाराणा प्रतापसिंहजीके विषय की बहुतसी कविता मिलती है, जिसमें विरद छिहत्तरी मुख्य है, जिसकी एक हस्त लिखित पुस्तक लालस आरण कवि वसरदानजी की मारफत पास हुई जिसके अनुसार यह पुस्तक छपवाई गई है, वक्त पुस्तकमें कई स्थलों पर अशुद्धियाँ थीं जिनको जहाँ तक हो सका शुद्ध किया है, ताभी कहीं २ अशुद्धियाँ ( १ ) रह गई हैं, जिनके लिये पाठकोंसे क्षमा चाहता हूँ।

( १ ) विरदछिहत्तरी में कितनेक सोरठे उलट पुलट और शब्द कुछ छेपक भी हो तो आश्चर्य नहीं, पुस्तक एक ही मिला जिससे दूसरे पुस्तकोंसे मिलान न होसका नाँचे लिखा हुआ सोरठा भी दुरसाजीका ही माना जाता है, परन्तु इस पुस्तकमें वह पाया नहीं गया।

पौह गोधलिया पास, आलूवा अकबर तणी ।

राणा खमे न रास, प्रबलो साँद प्रतापसी ॥ १ ॥

॥ श्रीगणेशाय नमः ॥

श्रीमान् महाराजाधिराज महाराणाजी  
श्री १०८ श्री हिन्दवासूरज  
प्रतापसिंहजी की  
विग्द छिहत्तरी.

॥ सोरठा ॥

अलख पुरष आदेस, देश बचाय दयानिधे ॥  
वरनन करुं विसेस, सुहृद नरेस प्रतापसी ॥ १ ॥  
गढ ऊंचौ गिरनार, नीचौ आबू ही नही ॥  
अकबर अघ अवतार, पुन अवतार प्रतापसी ॥ २ ॥  
कलजुग चलै न कार, अकबर मन अंजस यँही ॥  
सतजुग सम संसार, परगट राणा प्रतापसी ॥ ३ ॥  
अकबर गरब न आंण, हिंदू सह चाकर हुवा ॥  
दीठौ कोइ दिवाण, करतौ लटका कटहड़ै ॥ ४ ॥

सुखाता अकबर शाह, दाह दियै लागी दुसह ॥  
 बिलमला बदराह, एक राह करदुं अवश ॥ १॥  
 मन अकबर मजबून, फूट हिन्दवां बेफिकर ॥  
 काफ़र कोम कपूत, पकड़ौ रांगु प्रतापसी ॥ २॥  
 अकबर कीना याद, हिन्दू नृप हाजर हुवा ॥  
 मेदपाट मरजाद, पगां न लगौ प्रतापसी ॥ ३॥  
 म्लेच्छां आगल माथ, नमै नहीं नरनाथरौ ॥  
 सो करतव्य सनाथ, थारौ रांगु प्रतापसी ॥ ४॥  
 तुवा बहेरा बाट, बाट जिकरा बहगौ विसद ॥  
 खाग त्याग खत्रवाट, पूगै रांगु प्रतापसी ॥ ५॥  
 चितवै चित चीतोड़, चिता जलाई सो चतुर ॥  
 मेवाड़ो जगमोड़, पावन पुरुष प्रतापसी ॥ १० ॥  
 कदै नमावै कंध, अकबर डिग आवै न औ ॥  
 मूरज बंश सँबंध, पालै रांगु प्रतापसी ॥ ११ ॥

(१)

अकबर कुटिल अनोत, और बिटल सिर आदरे ॥  
कुल उत्तम रीत, पालै रांण प्रतापसी ॥ १२ ॥  
जोपै हिन्दू लाज, सगण रांपै तुरकसूं ॥  
आरज कुलरी आज, पूंजी राण प्रतापसी ॥ १३ ॥  
अकबर पथर अनेक, के भूपति भेला किया ॥  
हाथ न लागौ डेक, पारस रांण प्रतापसी ॥ १४ ॥  
साँगौ धरम सहाय, बाबरसूं भिड़ियौ बिहस ॥  
अकबर कदमाँ आय, पडै न राण प्रतापसी ॥ १५ ॥  
आपै अकबर आंण, थाप उथापै औ थिरा ॥  
बापै रावल बांण, तापै रांण प्रतापसी ॥ १६ ॥  
सुखहित श्याल समाज, हिन्दू अकबर बस हुवा ॥  
रोसीलौ मृगराज, पजै न रांण प्रतापसी ॥ १७ ॥  
अकबर कूट अजांण, हियाफूट छेडै न हठ ॥  
पगां न लागण पांण, पणधर रांण प्रतापसी ॥ १८ ॥

है अकबर घर दाख, डांख गृहे नीची दिखट ॥  
 तजे न ऊंची तांख, पौरस रांख प्रतापसी ॥२१॥  
 जांखे अकबर जोर, तो पण तांखे तोर लिड ॥  
 आ बलाय है ओर, प्रसगां खोर प्रतापसी ॥२०॥  
 अकबर हिपै उचाट, रात दिवस लागी गे ॥  
 रजयट बट समराट, पाटप रांख प्रतापसी ॥२१॥  
 अकबर मारग आठ, जवन रोक राखी जमता  
 परम धरम जश पाठ, पहियौ रांख प्रतापसी ॥२२॥  
 अकबर समंद अथाह, तिहँ डूबा हिन्द तुर्क  
 मेवाडो जिण माँह, पोयण फूल प्रतापसी ॥२३॥  
 अकबरिग्यै इक वार, दागल की सारी दुनी ॥  
 अण दागल असवार, रहियौ रांख प्रतापसी ॥२४॥  
 अकबर घोर अँधार, उँघांणा हिन्दू अवर ॥  
 जागै जग दातार, पौहरै रांख प्रतापसी ॥ २५ ॥

जग जाड़ा जूँभार, अकबर पग चाँपै अधिप ।  
 गो राखया गुंजार, पिँडमें रांखा प्रतापसी ॥२६॥  
 अकबर कनै अनेक, नम नम नीसरिया नृपति ।  
 अनसी रहियौ एक, पुहुसी रांखा प्रतापसी ॥२७॥  
 करै खुशामद कूर, करै खुशामद कूकरा ॥  
 दुरस खुशामद दूर, पुरुष अमोल प्रतापसी ॥२८॥  
 अकबर जङ्ग उफांखा, तंग करखा भेजै तुरक ॥  
 गंखावत रिड गंखा, पांखा न तजै प्रतापसी ॥२९॥  
 इल्लदीघाट हरोल, घमँड उतारखा अरिघडा ॥  
 आखा करण अढोल, पहुँच्यो रांखा प्रतापसी ३०  
 धिर नृप हिन्दूथान, लातरखा मग लोभ लग ॥  
 माता भूमी मान, पूजी गंखा प्रतापसी ॥ ३१ ॥  
 सेलां अणी सिनांन, धारा तीरथमें धसै ॥  
 देखा धरम रण दान, पुरट शरीर प्रतापसी ॥ ३२ ॥

ठग अकबर दल ठांरा, अग अग भगदं आथड़े  
 मग मग पाड़े मांरा, पग पग रांरा प्रतापसी ३३  
 दिल्ली हूँत दुरुह, अकबर चढियो एक दम ॥  
 रांरा रसिक रांरा रुह, पलटै केम प्रतापसी ३४।  
 चित्त मरणा रांरा चाय, अकबर आधीनी बिना ॥  
 पराधीन दुख पाय, पुनि जीवै न प्रतापसी ३५।  
 तुरक हिन्दवाँ तांरा, अकबर लायो एकठा ॥  
 मल्लूवाँ गालरा मांरा, पांरा कृपांरा प्रतापसी ३६  
 गोहिल कुलधन गाढ, सेवण अकबर लालची ॥  
 कौडी दै नह काढ, पण दढ रांरा प्रतापसी ३७।  
 अकबर मच्छ अयांरा, पूँछ उछालण बल प्रबल  
 गोहिल वत गहरांरा, पाथोनिधी प्रतापसी ३८।  
 नित गुधलावरा नीर, कुंभी सम अकबर क्रमे ॥  
 गोहिल रांरा गैभीर, पण गुधलै न प्रतापसी ३९

उहै रीठ अणपार, पीठ लमा लाखां प्रसाणा ॥  
 वेढीगार बकार, पैठो उदयाचल पतौ ॥ ४० ॥  
 अकबर दल अप्रमांणा, उदैनयर घेरै अनय ॥  
 खाणां बल जूमांणा, साहां दलणा प्रतापसी ४१  
 देवारी सुरदार, अड़ियो अकबरियो असुर ॥  
 लड़ियो भड़ लजकार, पौलां खोल प्रतापसी ४२  
 रोकै अकबर राह, लो हिन्दू कूकर लखां ॥  
 बीभरतौ वाराह, पाड़ै घणां प्रतापसी ॥ ४३ ॥  
 देखे अकबर दूर, घेगै दे दुसमणा घड़ा ॥  
 सांगां हर रणा सूर, पैर न खिसै प्रतापसी ॥ ४४ ॥  
 अकबर तड़कै आप, फतै करणा च्यारुं तरफ ॥  
 पणा सांझौ पगताप, हाथ न चडै दरबार हर ॥ ४५ ॥  
 अकबर किला अनेक, फतै किया निज फौजसू  
 अकल चजै नह एक, पाधर लड़े प्रतापसी ॥ ४६ ॥



दुबिधा अकबर देख, किरा विधसुं घायल करे  
 पमगा ऊपर पेख, पाखर रांग प्रतापसी ॥४७॥  
 हिरदै उगा होत, सिर अकबर धूगा सदा ॥  
 दिन दुगा देसोत, पूगा व्है न प्रतापसी ॥४८॥  
 कलधे अकबर काय, मुगा पूगीधर गौड़िया ॥  
 पाखर छाबड माँय, पड़ न रांग प्रतापसी ॥४९॥  
 माह दावगा मेवाड, राड चाड अकबर रवे ॥  
 बिखै बिगायत बाड, पथुल पहाड प्रतापसी ॥५०॥  
 बंधियो अकबर बेर, रमत गैर रांकी रिदू ॥  
 कन्द मूल फल कर, पावे रांग प्रतापसी ॥५१॥  
 भागे सागे भाम, अमृत लागै उमरा ॥  
 अकबर तल आराम, पेखै जहर प्रतापसी ॥५२॥  
 अकबर जिता अनेक, आहव अडे अनेक अरि  
 असली नजे न एक, पकडी टेक प्रतापसी ॥५३॥  
 लंघगा कर लंकाल, साहू नो भूखो मुनै ॥

(९)

कुल्लुवट छोड़ कृपाल, पैड न देत प्रतापसी ॥५४॥  
अकबर मैंगल अच्छ, मांभल दल घुमै मसत ॥  
पंचानन पलभच्छ, पटकै छड़ा प्रतापसी ॥५५॥  
दन्ती दलसुं दूर, अकबर आवै एकलौ ॥  
चौदैं खल चकचूर, पलमै करै प्रतापसी ॥५६॥  
चितमै गड चीतोड़, रांगौरै खटकै रयण ॥  
अकबर पुनरी ओड़, पेलौ दौड़ प्रतापसी ॥५७॥  
अकबर करै अफंड, मद प्रचंड मारग लगै ॥  
आरज भाण अखण्ड, प्रभुता रांगण प्रतापसी ॥५८॥  
घटसुं ओघट घाट, घसियौ अकबरिये घणौ ॥  
इल चैनण उपवाट, परमल उठी प्रतापसी ॥५९॥  
अकबर जतन अपार, रात दिवस रोकण करै ॥  
पूर्णा समदां पार, पंगी रांगण प्रतापसी ॥६०॥  
बड़ी विपत सह बीर, बड़ी क्रीत खाटी बसू ॥  
धरम धुरंधर धीर, पौरस धिनौ प्रतापसी ॥६१॥

(१०)

बसुधा कियो बिख्यात, समरथ कुल सीसोदिया  
रांणा जसरी रात, प्रगट्यौ भक्तां प्रतापसी ॥६३॥  
जिह्वा रौ जस जग मांय, जिह्वा रौ जग धिन जीवणी  
नैडौ अपजश नांय, पणा धर धिनौ प्रतापसी ॥६३॥  
अजसमर धन एह, जश रह जावै जगतमै ॥

दुख सुख दोनू देह, सुपन समान प्रतापसी ॥६४॥  
अकबर जासी आप, दिल्ली पासी दूसरा ॥

पुनरासी परताप, सुजस न जासी सूरमा ॥६५॥

सफल जनम सुदतार, सफल जनम जग सूरमा ॥

मफल जोग जगसार, पुर त्रय प्रभा प्रतापसी ॥६६॥

सारी बात सुजाँण, गुण सागर गाहक गुणां ॥

आयोडो अवसाँण, पांतरियै न प्रतापसी ॥६७॥

कुत्रधारी छत्र छाँह, धरम धाय सोयो धरा ॥

बाँह गहंघारी बाँह, परत न तजै प्रतापसी ॥६८॥

अंतिम एह उपाय, विश्वंभर न विसारियै ॥

24087. dt. 21-8-68 Calcutta

माये धरम सहाय, पल पल रांण प्रतापसी ॥६९॥  
 मनरी मनरै मांय, अकबररै रहगी अकस ॥  
 नर वर करियै नांय, पूरी रांण प्रतापसी ॥७०॥  
 ओ जो अकबर राह, सैधव कुंजर साँवठा ॥  
 बाँसै तो बढताह, पिंजर थया प्रतापसी ॥ ७१ ॥  
 अकबरियौ हत आस, अंबखास भाँखै अधम ॥  
 नाँखै हियै निसास, पास न रांण प्रतापसी ॥७२॥  
 मनमै अकबर मोद, कलमांविच धारै न कुट ॥  
 सुपनामै साँसोद, पलै न रांण प्रतापसी ॥७३॥  
 चारण वरण चितार, कारण लख महिमा करी ॥  
 धारण काँजै धार, परम उदार प्रतापसी ॥७४॥  
 आभा जगत उदार, भारतवर्ष भवान भुज ॥  
 आत्म सम आधार, पृथ्वी रांण प्रतापसी ॥७५॥  
 कवी प्रार्थना कीन, पंडित हुं न प्रवीणपद ॥  
 रसौ आदो दीन, प्रभु तव शरण प्रतापसी ॥७६॥

SP 64

## पुस्तकों का सूचीपत्र

सिद्धि के अर्थों पर धामन	६ १०)
गान्धारी महाकाव्य का संहिता	६ १)
सिद्धि रामायण का कृष्णार्णव खण्ड संहिता	६ ११)
जानकी विपरीत संहिता	६ १२)
योगसूत्र चतुष्टय	६ १३)
प्रजापति चतुष्टय	६ १४)
सर्वज्ञ के अर्थ	६ १५)
सर्वज्ञता के अर्थों पर संहिता	६ १६)
सर्वज्ञता के अर्थों पर संहिता	६ १७)
सर्वज्ञता के अर्थों पर संहिता	६ १८)
सर्वज्ञता के अर्थों पर संहिता	६ १९)
सर्वज्ञता के अर्थों पर संहिता	६ २०)
सर्वज्ञता के अर्थों पर संहिता	६ २१)
सर्वज्ञता के अर्थों पर संहिता	६ २२)
सर्वज्ञता के अर्थों पर संहिता	६ २३)
सर्वज्ञता के अर्थों पर संहिता	६ २४)
सर्वज्ञता के अर्थों पर संहिता	६ २५)
सर्वज्ञता के अर्थों पर संहिता	६ २६)
सर्वज्ञता के अर्थों पर संहिता	६ २७)
सर्वज्ञता के अर्थों पर संहिता	६ २८)
सर्वज्ञता के अर्थों पर संहिता	६ २९)
सर्वज्ञता के अर्थों पर संहिता	६ ३०)

प्रसिद्ध रामकथा मोतीचौक जोधपुर

National Library  
Calcutta